



Broj: 05-14-29210/11 III
Sarajevo, 13.02.2012. godine

SKUPŠTINA KANTONA SARAJEVO
n/r Prof.dr. Mirjana Malić, predsjedavajuća

PREDMET: Odgovor na poslaničku inicijativu

Poslanik Haris Alić, na Desetoj Radnoj sjednici Skupštine Kantona Sarajevo, održanoj dana 28.12.2011.godine, u okviru tačke Dnevnog reda «poslanička pitanja, inicijative i odgovori» u skladu sa odgovorom na jednu od njegovih ranijih inicijativa, a koja se ticala zaštite voda, rijeka u Kantonu Sarajevo, da «Sarajevska regionalna agencija» vrši Studiju kojom će se definisati aktivnosti, programi i sredstva za poboljšanje kvaliteta voda u Kantonu Sarajevo, te da se studijom očekuje definiranje konkretnih mjera i aktivnosti u poboljšanju zaštite rijeka u Kantonu Sarajevo, poslanik je pokrenuo slijedeću inicijativu:

INICIJATIVA:

«Da se zastupnicima dostavi informacija, izvještaj u kojoj je fazi izrada Studije, te i sama Studija, kako bi zastupnici imali uvida u istu».

Nadalje, s obzirom da se o problematici voda i zaštite slivova rijeka u Kantonu Sarajevo ne vodi dovoljno računa, te na osnovu prijedloga i dopisa građana, poslanik je pokrenuo inicijativu:

«Da se svake godine upriliči obilježavanje Svjetskog dana voda kroz Svečanu akademiju pod pokroviteljstvom Kantona Sarajevo i to 22.marta.»

«Da se organizira Radna sedmica voda u Kantonu Sarajevo i to da bude svake godine u drugoj sedmici maja mjeseca, što bi obuhvatalo: čišćenje i uređenje vodotoka, predavanja o zaštiti voda, stručne radionice i druge aktivnosti. U ovo bi bili uključeni. Grad, općine, mjesne zajednice, pravni subjekti, sve škole Kantona Sarajevo, nevladine organizacije, mediji i ostali, svako u okviru svojih mogućnosti. Sve ove aktivnosti bi vodio organizacioni odbor, bez ikakve finansijske nadoknade.»



ODGOVOR:

U vezi sa zahtjevom za dostavu informacije o izradi Studije kojom će se definisati aktivnosti, programi i sredstva za poboljšanje kvaliteta voda u Kantonu Sarajevo, Ministarstvo prostornog uređenja i zaštite okoliša se obratilo Sarajevskoj regionalnoj agenciji.

U prilogu dostavljamo dobijenu Informaciju o realizaciji projekta «Čista rijeka Miljacka».

Što se tiče drugog dijela inicijative, naglašavamo da je upravljanje vodama, a koje u smislu Zakona obuhvata korištenje voda, zaštitu voda, uređenje vodotoka, zaštitu od štetnog djelovanja voda i organizaciju upravljanja vodama, u nadležnosti Ministarstva privrede Kantona Sarajevo. Budući da su vode sastavnica okoliša, Ministarstvo prostornog uređenja i zaštite okoliša ima odgovarajuće obaveze u ovoj oblasti, posebno sa stanovišta zaštite voda, vodosnabdijevanja i odvodnje otpadnih voda.

U tom smislu, ovo Ministarstvo podržava zastupničku inicijativu i s obzirom na djelokrug rada, smatra da bi glavni nosilac realizacije trebalo biti Ministarstvo privrede Kantona Sarajevo. Ministarstvo prostornog uređenja i zaštite okoliša je spremno da se aktivno uključi u organizaciju predloženih sadržaja, angažujući, između ostalog, Kantonalnu javnu ustanovu za zaštićena prirodna područja, komunalna preduzeća, te nevladine ekološke organizacije sa kojima ima kvalitetnu saradnju.

Inače, Svjetski dan voda se obilježava svake godine 22.marta, s ciljem da se ukaže na probleme cjelovitog upravljanja vodnim resursima, te promoviše odgovornost institucija i javnosti o potrebi očuvanja voda, koje se koriste za različite svrhe.

Počev od 2004.godine u BiH Svjetski dan voda se obilježava na nivou države i to tako, da su naizmjenično organizatori i domaćini institucije sektora voda Federacije BiH, odnosno Republike Srpske. U događaje koji se tom prilikom održavaju uključuju se s prigodnim sadržajima nevladine organizacije, općine i druge institucije. Ovogodišnja kampanja Svjetskog dana voda se bavi temom voda za hranu, odnosno korištenjem vode i proizvodnjom hrane, a odvijat će se pod sloganom: «Voda i sigurnost hrane!».

S poštovanjem,

MINISTAR

Abid Jusić,dipl.pravnik

Prilog: Informacija o realizaciji projekta «Čista rijeka Miljacka»


Dostaviti:

- Naslovu
- Evidencija
- Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1





Datum: 30.01.2012. godine

Broj: 1-34/12

ZA: Ministarstvo prostornog uređenja i zaštite okoliša Kantona Sarajevo
n/r ministra Abida Jusića

Bosna i Hercegovina
Federacija Bosne i Hercegovine
KANTON SARAJEVO

Opis izdavanja	Kvalifikacioni razred	Broj listi	Broj prijava
05	14	29210/11	

PREDMET: Informacija o realizaciji projekta "Čista rijeka Miljacka"

Poštovani,

u vezi sa Vašim dopisom broj: 05-14-29210/11 II od 16.01.2012. godine dostavljamo Vam informaciju o realizaciji projekta "Čista rijeka Miljacka".

Na osnovu partnerskog protokola o zajedničkoj realizaciji projekta koga su potpisali: Grad Sarajevo, Grad Istočno Sarajevo, Ministarstvo prostornog uređenja i zaštite okoliša Kantona Sarajevo, Ministarstvo privrede Kantona Sarajevo, Općina Stari Grad, Općina Centar, Općina Novi Grad, Općina Novo Sarajevo, Općina Ilidža, Opština Pale i SERDA, realizacija projekta je započela u decembru 2008. godine.

Osnovni cilj projekta je poboljšanje i očuvanje kvaliteta vode, u vodotocima, na nivo I klase kvalitete, zaštita resursa i ekosistema slivnih područja rijeka: Miljacke, Željeznice, Zujevine, Dobrinje i neposrednog sliva rijeke Bosne do VS Reljevo. Jedan od ciljeva projekta je i promocija turističkih potencijala uz razvoj ekološke svijesti stanovništva.

Shodno postavljenim ciljevima i obrazloženju projekta, projekat obuhvata prostor sliva uzvodnog dijela toka rijeke Bosne, od izvorišta do VS Reljevo, što uključuje slivove rijeka: Miljacke, Dobrinje, Željeznice, Zujevine i neposrednog sliva Bosne.

Zbog veličine projekta i obima potrebnih finansijskih sredstava projekat će se realizovati u više pojedinačnih faza, od kojih je prva faza vezana za izradu Studije kojom će se definisati aktivnosti, programi i sredstva za uređenje rijeke Miljacke. Izradom Studije će se dobiti «nulto» stanje po razmatranim oblastima, definisaće se konkretne mjere i aktivnosti za ispunjenje postavljenih ciljeva, uz procjenu potrebnih finansijskih sredstava i vremenske dinamike realizacije.

Sarajevska regionalna razvojna agencija SERDA d.o.o. Sarajevo, Hamdije Čemerlića 2/11
Kantonalni Sud Sarajevo matični registarski broj subjekta upisa 1-24164
Broj računa: uniCredit Bank d.d. 3389002206391983
Identifikacijski broj društva: 4200816600000
Porezni broj: 01700000
PDV broj: 200816600000

Tel: 033/ 652-935, 648-698 Fax: 033/ 663-923
Web: www.serda.ba Email: serda@serda.ba

U prvih šest mjeseci 2009. godine održan je niz sastanaka sa partnerima, u vezi sa definisanjem osnovnih elemenata prve faze kojom je predviđena izrada Studije. Početkom 2009. godine formiran je i Tim za implementaciju koga čine predstavnici svih potpisnika protokola.

U cilju praćenja izrade Studije angažovan je Građevinski fakultet Univerziteta u Sarajevu, koji je u skladu sa projektom pružao stručne usluge pri izradi projektnog zadatka, provođenju postupka javnih nabavki za izbor najpovoljnijeg obrađivača Studije, monitoringu prilikom izrade Studije i davanje stručnog mišljenja usaglašenosti dobijene Studije i projektnog zadatka.

Osnova za izradu Studije i procedure javnih nabavki bio je projektni zadatak koga su izradili predstavnici Tima za implementaciju i Građevinskog fakulteta.

Na osnovu provedenih procedura javnih nabavki SERDA je 15.04.2010. godine, sa konzorcijem koga čine Institut za hidrotehniku Građevinskog fakulteta dd Sarajevo, Enova doo Sarajevo, Dvokut doo Sarajevo i Institut za vode doo Bijeljina, potpisala ugovor o realizaciji Studije.

Studija se, u skladu sa projektnim zadatkom, realizovala u tri faze. U cilju praćenja usaglašenosti ostvarenih rezultata u pojedinoj fazi sa zahtjevima projektnog zadatka projektom je organizovano održavanje tri radionice, koje su ujedno bile i kontrolne tačke u realizaciji projekta.

Prva radionica je održana 20.10.2010. godine. Na radionici su predstavnici Konzorcija, prezentovali Izvještaje o obilasku terena" i „Analizu raspoložive dokumentacije (podataka) i metodologiju izrade Studije“ (za sve slivove).

Druga radionica održana je 14.11.2011. godine. Na radionici je prezentovan snimak postojećeg stanja po predmetnim oblastima iz projektnog zadatka.

Treća završna radionica, odnosno treća kontrolna tačka održana je 12.01.2012. godine. Na trećoj radionici su prezentovane i usvojene predložene mjere i projektne ideje koje bi u narednom periodu trebalo pripremiti u formi projektnih prijedloga.

Sa održavanjem treće radionice zvanično je završena izrada Studije i otpočela realizacija druge faze projekta, kojom je u skladu sa finansijskim mogućnostima, planirana realizacija prioriternih projekata koji su identifikovani u okviru treće faze Studije.

Studija je dala kompletan snimak postojećeg stanja po predmetnim oblastima iz projektnog zadatka i kao jedan od najvažnijih rezultata Studije definisala mjere i aktivnosti za poboljšanje kvaliteta voda u definisanim vodotocima.

Studijom je identifikovano ukupno 274 projektnih prijedloga – projektnih ideja koje su obrađene u formi projektnog fiche-a.

Sarajevska regionalna razvojna agencija SERDA d.o.o. Sarajevo, Hamdije Čemerlića 2/11
Kantonalni Sud Sarajevo matični registerski broj subjekta upisa 1-24164
Broj računa: uniCredit Bank d.d. 3389002206391983
Identifikacijski broj društva: 4200816600000
Porazni broj:01700000
PDV broj:200816600000

Tel: 033/ 652-935,648-686 Fax: 033/ 663-923
Web: www.serda.ba Email: serda@serda.ba

Pregled projektnih prijedloga po slivovima je sledeći:

- zajednički projektni prijedlozi za sve slivove – 21 projektni prijedlog
- sliv rijeke Miljacke 110 projektnih prijedloga
- sliv rijeke Željeznice 57 projektnih prijedloga
- sliv rijeke Dobrinje 32 projektna prijedloga
- sliv rijeke Zujevine 26 projektnih prijedloga
- sliv dijela rijeke Bosne (do VS Reljevo) 28 projektnih prijedloga

Ukupna procijenjena vrijednost svih projektnih prijedloga je oko 865 miliona KM

Takođe u skladu sa mogućnostima korištenja međunarodnih izvora finansiranja SERDA će, zajedno sa partnerima, u narednoj fazi Projekta, na osnovu podloga i projektnih prijedloga koji su dobijeni u okviru Studije, aplicirati na raspoložive domaće i međunarodne fondove.

U prilogu dopisa dostavljamo Vam kopiju Protokola o zajedničkoj saradnji na realizaciji projekta "Čista rijeka Miljacka" i kopiju projektnog zadatka za Studiju.

S poštovanjem,

Direktor



Ševkija Okerić

Sarajevska regionalna razvojna agencija SERDA d.o.o. Sarajevo, Hamdije Čemerlića 2/11
Kantonalni Sud Sarajevo matični registarski broj subjekta upisa 1-24164
Broj računa: uniCredit Bank d.d. 3389002206391983
Identifikacijski broj društva: 4200816600000
Porezni broj: 01700000
PDV broj: 200816600000

Tel: 033/ 652-935,648-686 Fax: 033/ 663-923
Web: www.serda.ba Email: serda@serda.ba